



Broj: 01/01-1857-3/13-2023  
Sarajevo, 30.10.2023. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14 i 59/22), na preporuku Komisije za provođenje postupka nabavke broj: 01/01-1857-3/12-2023 od 27.10.2023. godine za nabavku roba: **LABORATORIJSKA OPREMA za LOT 3 - ATR Infracrveni spektrometar**, Dekan Univerziteta u Sarajevu-Prirodno-matematičkog fakulteta donio je

## **ODLUKU** o poništenju postupka javne nabavke

### **Član 1.**

**Poništava se postupak javne nabavke roba: LABORATORIJSKA OPREMA za LOT 3 - ATR Infracrveni spektrometar** za potrebe Univerziteta u Sarajevu-Prirodno-matematički fakultet iz razloga što **nijedna od primljenih ponuda nije prihvatljiva.**

### **Član 2.**

Ova odluka objavit će se na web-stranici [www.pmf.unsa.ba](http://www.pmf.unsa.ba) u skladu sa članom 70. stav (6) Zakona o javnim nabavkama BiH.

### **Član 3.**

Ova Odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka javne nabavke roba: **LABORATORIJSKA OPREMA** broj: 01/01-1857/3-2022 od 02.10.2023. godine.

Obavještenje o nabavci broj: 29340-1-1-66-3-66/23 od 05.10.2023. godine objavljeno je na Portalu javnih nabavki i u Službenom glasniku BiH broj: 71/23.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 26.10.2023. godine, tendersku dokumentaciju preuzeli slijedeći potencijalni ponuđači: SARTORIUS LIBRA ELEKTRONIK D.O.O., SHIMADZU D.O.O., EMEDING DOO, INSTRUMENTS, DESINFECTA D.O.O., EKAPIJA DOO, BBS EUROPE, ANALITIKA D.O.O. SARAJEVO, SEMIKEM D.O.O. SARAJEVO, ALPHACHROM D.O.O., KEFO D.O.O. ISTOČNO SARAJEVO, MEGRA D.O.O. BEOGRAD, AB MEDIC D.O.O, MIKRO+POLO D.O.O., ELTA 90 MB D.O.O., APICAL DOO, DOO EUROLAB, KRAJNAGROUP D.O.O. BANJA LUKA, MICOM BH D.O.O. SARAJEVO, INELEX D.O.O, VETERINARSKI FAKULTET, HELIA, DIMED D.O.O. SARAJEVO i izmjenu tenderske dokumentacije: SHIMADZU D.O.O., ANALITIKA D.O.O. SARAJEVO, MIKRO+POLO D.O.O., DOO EUROLAB, EKAPIJA DOO, ALPHACHROM D.O.O., KEFO D.O.O. ISTOČNO SARAJEVO, ELTA 90 MB D.O.O., „MEDICOM,, D.O.O., KRAJNAGROUP D.O.O. BANJA

LUKA, BOSNA-VET DOO, SINEKS LABORATORIJA D.O.O. BANJA LUKA, DESINFECTA D.O.O., HELIA, VETERINARSKI FAKULTET.

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da je za navedeni lot ponuđač ALPHACHROM d.o.o. Sarajevo tražio pojašnjenje u vezi slijedećih stavki:

„Na temelju zakona o javnim nabavkama predlažemo zahtjev za izmjenu tenderske dokumentacije u otvorenom postupku javne nabavke „Laboratorijske oprema“ za LOT 3- ATR Infracrveni spektrometar u Univerzitet u Sarajevu –Prirodno-matematički fakultet. Molimo Vas da uvažite naše primjedbe u vezi dokumentacije za nadmetanje kako bi se omogućilo ravnopravno učestvovanje svim potencijalnim ponuditeljima u skladu sa Zakonom o javnoj nabavi u dijelovima:

1. Spektralni opseg: Minimum od 7800 do 350 cm-1

Molimo izmjenu tehničke specifikacije u Spektralni opseg: Minimum od 7000 do 350 cm-1

2. Spektralna rezolucija: Minimum 0.5 cm-1

Molimo izmjenu tehničke specifikacije u: Spektralna rezolucija: Minimum 2 cm-1

3. Odnos signal/šum: Minimum 35.000 cm-1 u 1 minuti

Molimo izmjenu tehničke specifikacije u: Odnos signal/šum: Minimum 20.000 cm-1

4. Preciznost talasne dužine: bolja od 0.01 cm-1

Molimo izmjenu tehničke specifikacije u: Preciznost talasne dužine: bolja od 1 cm-1

5. Tačnost talasne dužine: bolja od 0.1 cm-1

Molimo izmjenu tehničke specifikacije u: Tačnost talasne dužine: bolja od 1 cm-1

6. Izvor zračenja: srednja IR oblast sa obaveznom mogućnošću izmjene od strane korisnika

Molimo izmjenu tehničke specifikacije u: Izvor zračenja: srednja IR oblast

7. Radni software sa obaveznim opcijama Multicomponent Search i Contaminant Search

Molimo izmjenu tehničke specifikacije u: Radni software sa opcijom pretraživanja biblioteke spektara

8. Biblioteka od minimalno 20.000 IR spektara različitih organskih i anorganskih jedinjenja

Molimo izmjenu tehničke specifikacije u: Biblioteka od minimalno 10.000 IR spektara različitih organskih i anorganskih jedinjenja”.

Ugovorni organ prosljedio je slijedeći odgovor: „Zahvaljujemo Vam se na postavljenom upitu. U skladu sa provedenim istraživanjem tržišta koje je izvršeno prije objavljivanja postupka nabavke, utvrđene su minimalne tehničke karakteristike instrumenta koji nam je neophodan. Ponude Ponuđača koji ponude instrument sa istim ili boljim karakteristikama bit će prihvatljive. Ugovorni organ ostaje pri definisanom zahtjevu.“

Također, na osnovu upita ponuđača MIKRO+POLO d.o.o. Sarajevo: „U Tački 7.1. tenderske dokumentacije navedeno je: "Ponuđač je dužan u Obrascu za cijenu ponude-Aneks 3, unijeti model proizvoda i naziv proizvođača robe koju nudi. U slučaju da ponuđač ne unese tražene podatke, ponuda će biti odbijena kao neprihvatljiva.", ali u Aneksu 3 nije tačno naglašeno gdje tačno treba unijeti model, kataloški broj i proizvođača opreme koja se nudi. Možemo li u Aneksu 3 pored kolone za "Ukupnu cijenu po stavki bez PDV-a" unijeti samo model i naziv proizvođača ili ćete uraditi izmjenu TD? “. Ugovorni organ je izvršio izmjenu tenderske dokumentacije i odgovorio slijedeće: „Zahvaljujemo Vam se na postavljenom upitu. Tenderska dokumentacija će biti izmjenjena.“

Iz Zapisnika o otvaranju ponuda vidljivo je da je Komisija za javne nabavke dana 26.10.2023. godine sa početkom u 10:30 sati, po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	<b>ANALITIKA d.o.o. Sarajevo</b>	Da	01/01-1857-1/8-2023	24.10.2023.g. u 13:25 sati
2.	<b>EURO LAB d.o.o. Bijeljina</b>	Da	01/01-1857-2/8-2023	25.10.2023.g. u 8:10 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda prosljeđen je putem email-a svim ponuđačima koji su blagovremeno dostavili ponude.

Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponuđeni popust	Ukupna cijena ponude
1.	<b>ANALITIKA d.o.o. Sarajevo</b> Ferde Hauptmana 7 71 000 Sarajevo	0,00 KM	Cijena ponude bez PDV-a =50.140,00 KM 0% popust <b>Ukupna cijena ponude sa uračunatim popustom bez PDV-a =50.140,00 KM</b> PDV na cijenu ponude= 8.523,80 KM Ukupna cijena za ugovor = 58.663,80 KM sa PDV-om
2.	<b>EURO LAB d.o.o. Bijeljina</b> Filipa Višnjića 22 76 300 Bijeljina	0,00 KM	Cijena ponude bez PDV-a =50.140,00 KM 0% popust <b>Ukupna cijena ponude sa uračunatim popustom bez PDV-a =50.140,00 KM</b> PDV na cijenu ponude= 8.523,80 KM Ukupna cijena za ugovor = 58.663,80 KM sa PDV-om

Nakon pregleda i ocjene ponuda, Komisija za provođenje postupka nabavke utvrdila je da je ponuđač **ANALITIKA d.o.o. Sarajevo** dostavio kopiju potvrde Raiffeisen Bank u kojoj je otvoren glavni račun i da isti nije bio blokiran u periodu od 16.02.2023.-16.08.2023. godine, što nije u skladu sa tenderskom dokumentacijom tačkom 7. u kojoj je navedeno da je ponuđač dužan dostaviti: *“Potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci računajući od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude. U slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg*

učešća zbog neispunjavanja navedenih uslova za kvalifikaciju, te će se njegova ponuda smatrati neprihvatljivom“, te kao takva **ponuda je neprihvatljiva**.

Ponuđač **EURO LAB d.o.o. Bijeljina** u svojoj ponudi u svrhu dokazivanja tehničke i profesionalne sposobnosti nije dostavio za stavke iz tehničke specifikacije  *dodaci instrumentu (ATR) i ostali zahtjevi (računar, monitor, printer)* opise tehničkih karakteristika robe koju nudi, što nije u skladu sa tenderskom dokumentacijom tačkom 7. u kojoj je navedeno da je ponuđač dužan dostaviti: „*Fotografije (kataloge, prospekte i sl.) i opis tehničkih karakteristika robe koja je predmet njegove ponude iz kojih se jasno i u potpunosti vide karakteristike ponuđene robe, kojima ponuđač mora da dokaže da ispunjava zahtjeve Ugovornog organa utvrđene u ovoj Tenderskoj dokumentaciji, tako da ponuđena roba treba da bude istih ili boljih karakteristika*“, te kao takva **ponuda je neprihvatljiva**.

Komisija za za provođenje postupka nabavke predložila je Dekanu da na osnovu člana 69. stav (2). tačka d) Zakona o javnim nabavkama BiH donese Odluku o poništenju postupka javne nabavke roba: **LABORATORIJSKA OPREMA za LOT 3 - ATR Infracrveni spektrometar** iz razloga što **nijedna od primljenih ponuda nije prihvatljiva**.

Iz gore navedenih razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

#### **Prilog:**

- Zapisnik o pregledu i ocjeni ponuda

#### **Dostaviti:**

- Ponuđaču: **ANALITIKA d.o.o. Sarajevo**
- Ponuđaču: **EURO LAB d.o.o. Bijeljina**
- Dosije nabavki
- a/a



Akt pripremila: Emina Hadžić, viši stručni saradnik za projekte i poslove javnih nabavki